

OPS! PELAJAR BALIK KAMPUNG

Prepared by Mohamed Syarwan Osman

Atas inisiatif Kementerian Pengajian Tinggi dengan kerjasama UiTM Cawangan Pulau Pinang telah melaksanakan Ops Pulang ke kampung baru-baru ini. Pelajar-pelajar yang terkandas di kampus semasa Perintah kawalan Pergerakan (PKP) telah dihantar pulang secara berperingkat mengikut zon atas semangat sinergi antara IPT. Secara umumnya, pelajar dihantar pulang ke kampung oleh UiTM mengikut zon tempat tinggal dimulakan dengan zon hijau dan kuning dahulu. Proses ini dilaksanakan secara berperingkat dengan mendapat bantuan dan sokongan dari pihak PDRM dan Bomba.

Penulis telah diberi peluang untuk menjadi *Liaison officer* (LO) bagi penghantaran pulang pelajar ke Daerah Jerantut dan Bera, Pahang. Sesungguhnya ini merupakan sumbangan UiTM bagi membantu mempertemukan pelajar yang terkandas di kampus dengan keluarga tercinta. Kerjasama dan koordinasi yang sangat cemerlang telah ditunjukkan oleh semua agensi kerajaan bagi memastikan proses membawa pulang pelajar ini selamat dan sempurna. Pelajar-pelajar FKK semuanya telah selamat dihantar pulang dengan kumpulan yang terakhir dari Sabah telah selamat dihantar pulang pada 25 Mei 2020 lalu. Semoga pelajar-pelajar dapat bersyukur dengan semua bantuan dan komitmen para staf UiTM CPP dan dapat meneruskan pembelajaran secara atas online dengan baik di samping keluarga tercinta.

